

Menter ar y Cyd rhwng

Comisiynydd Heddlu a Throsedd Gogledd Cymru a Heddlu Gogledd Cymru

Eich Cymuned Eich Dewis

Cynorthwyo prosiectau sy'n
lleihau trosedd ac ymddygiad
gwrthgymdeithasol.

'Troseddwyr ar eu colled, Cymunedau ar eu hennill'

Cronfa Partneriaeth Gymunedol Gogledd Cymru 2019/20

PECYN CAIS

Comisiynydd Heddlu a Throsedd Gogledd Cymru a Heddlu Gogledd Cymru

Eich Cymuned, Eich Dewis

Cyflwyniad gan y Comisiynydd Arfon Jones a'r Prif Gwnstabl Cynorthwyol Sacha Hatchett, Heddlu Gogledd Cymru

Rydym yn falch o allu cyhoeddi seithfed rownd o nawdd ar gyfer cronfa gymunedol 'Eich Cymuned, Eich Dewis'.

Eleni mae **£40,000** ar gael gennym i grwpiau cymunedol ar draws gogledd Cymru i gefnogi prosiectau sy'n anelu at adeiladau cymunedau cryf yn cynnwys cynigion sy'n myd i'r afael a thueddiadau newydd fel Llinellau Cyffuriau a Throseddau Cyllyll.

Fel y byddwch yn ymwybodol mae 'Eich Cymuned, Eich Dewis' yn fenter ar y cyd sydd wedi bod yn bosibl gyda nawdd gan y Comisiynydd Heddlu a Throsedd. Ceir hefyd arian a oedd ar gael drwy asedau a atafaelwyd gan droseddwr o dan y Ddeddf Enillion Trosedd. Ni fyddai hyn wedi bod yn bosibl heb ymroddiad ac ymrwymiad y swyddogion a staff Heddlu Gogledd Cymru yn gweithio'n ddiflino i ddod â throseddwr o flaen eu gwell.

Rydym yn annog sefydliadau cymunedol i ymgeisio am nawdd a fydd yn gwneud gwahaniaeth cadarnhaol drwy adeiladu gwydnwch cymunedol a chefnogi gwaith ein Timau Plismona Cymunedol. Rydym yn disgwyl i chi drafod eich syniadau gyda'ch timau plismona lleol cyn cyflwyno eich cais.

Wrth ddatblygu eich cais, ystyriwch sut fydd yn cynorthwyo'r Cynllun Heddlu a Throsedd presennol a geir ar wefan y Comisiynydd Heddlu a Throsedd www.northwales-pcc.gov.uk.


Ar hyn o bryd ein pum blaenoriaeth plismona yw:

- Cam-drin Domestig
- Caethwasiaeth Fodern a Masnachu Pobl
- Gangiau Troseddau Trefnedig
- Cam-drin Rhywiol
- Cyflwyno Cymdogaethau Diogelach


Gwnaiff y cyhoedd unwaith eto benderfynu pa gynigion sy'n llwyddiannus. Felly byddwch angen sicrhau fod eich rhwydwaith o gefnogwyr yn pleidleisio i chi drwy wefan Heddlu Gogledd Cymru pan mae'r cyfnod pleidleisio'n agor.

Buasem yn disgwyl i chi gysylltu gyda'ch timau plismona cymdogaethau diogelach lleol a gweithio mewn partneriaeth gyda nhw i ddatblygu eich cais. Cewch eu manylion ar dudalennau 'Eich Cymdogaethau' gwefan Heddlu Gogledd Cymru www.north-wales.police.uk.

Diolch yn fawr iawn am eich diddordeb. Dymunwn bob llwyddiant i chi gyda'ch cais.



Arfon Jones
Comisiynydd Heddlu a Throsedd Gogledd Cymru



Sacha Hatchett
Prif Gwnstabl Cynorthwyol

Nodwch y Meini Prawf a'r Canllawiau canlynol:

1. Nod 'Eich Cymuned, Eich Dewis' yw cynorthwyo grwpiau/sefydliadau cymunedol lleol gyda nawdd, a benderfynir drwy bleidlais gyhoeddus. Mae hyn er mwyn datblygu prosiectau newydd neu rai sydd eisoes yn bodoli er mwyn gwella ansawdd bywyd yn y cymunedau lleol.

Disgwylir i bob cynnig gefnogi'r Cynllun Heddlu a Throsedd presennol ac annog a datblygu partneriaethau gwaith cadarnhaol sy'n cynorthwyo cefnogi'r Cynllun Heddlu a Throsedd presennol (2017-21). Cewch y Cynllun Heddlu a Throsedd presennol ar: www.northwales-pcc.gov.uk
2. Y swm uchaf sydd ar gael yw: –
£2,500.00 ar gyfer ymgeiswyr unigol o'r siroedd (Conwy, Sir Ddinbych, Sir y Fflint, Gwynedd, Ynys Môn a Wrecsam)
£5,000.00 ar gyfer ymgeiswyr ar draws Gogledd Cymru (gan weithio mewn tair sir neu fwy). (DS: cwestiwn ychwanegol rhif 23 i ymgeiswyr yn y categori hwn)
3. Mae'n rhaid i'r ymgeiswyr fod yn sefydliad gwirfoddol cyfansoddiadol, yn grŵp cymunedol neu'n elusen sy'n gweithio yng Ngogledd Cymru. Noder: efallai y gofynnir i chi ddarparu copi o'ch cyfrifon a'ch cyfriflen banc diweddaraf.
4. Dylai ymgeiswyr nodi:
 - a) Sut bydd eich prosiect yn cyfrannu tuag at leihau trosedd ac ymddygiad gwrthgymdeithasol yn eich ardal a chynorthwyo'r blaenoriaethau a amlinellir yn y Cynllun Heddlu a Throsedd presennol
 - b) Sut ydych wedi tystiolaethu'r angen ar gyfer eich prosiect
 - c) Manteision y prosiect i'r gymuned leol
 - d) Pwy fydd yn elwa o'r prosiect
 - e) Oedrannau'r bobl a fydd ynghlwm wrth y prosiect
 - f) Partneriaethau/asiantaethau sy'n gysylltiedig â/cefnogi eich prosiect
 - g) Mae'n rhaid i ymgeiswyr drafod eu cais gyda'r tîm plismona lleol a chael cefnogaeth yr Arolygydd ardal cyn cyflwyno
 - h) **Ni ystyrir ceisiadau am CCC**
5. Mae'n rhaid i'r ceisiadau gynnwys dadansoddiad ariannol llawn sy'n cynnwys manylion ynghylch sut bydd yr arian yn cael ei wario e.e. offer, teithio, costau staff ayyb. Nodwch os ydych wedi cael, neu yn y broses o gael unrhyw nawdd cyfatebol.
6. Os oes unrhyw unigolyn sy'n gysylltiedig â'r prosiect yn iau na deunaw oed, bydd rhaid i'r grŵp gael cefnogaeth oedolion sydd wedi cael eu gwirio'n briodol. Cadarnhewch yn eich cais bod hyn wedi'i wneud.
7. **Gall rhai sydd wedi ymgeisio o'r blaen wneud, ond rhaid i'w cynnig fod ar gyfer darn o waith newydd ac arloesol.**
8. Os ydych eisiau trafod eich syniad, cysylltwch â Dave Evans ar 01745 588516 neu anfonwch e-bost at yourcommunityyourchoice@nthwales.pnn.police.uk
9. Bydd penderfyniadau'r Panel a'r cyhoedd sy'n pleidleisio yn derfynol. Ni ellir trafod ceisiadau aflwyddiannus. Caniateir uchafswm o bedair pleidlais am bob tŷ/cyfeiriad ISP i bob cartref.
10. Y dyddiad cau ar gyfer derbyn ffurflenni cais yw: 12.00yh, 6 Rhagfyr 2019.
11. Rhaid i brosiectau gael eu cwblhau, ac arian grant wedi'i wario, erbyn 31 Awst 2020.
12. Bydd rhaid i'r ymgeiswyr llwyddiannus arwyddo a dychwelyd ein taflen Telerau ac Amodau safonol (Atodiad A).
13. Dylech ddychwelyd y ffurflen gais drwy **e-bost at:** yourcommunityyourchoice@nthwales.pnn.police.uk

Neu drwy'r **post** at:

Ymddiriedolaeth Heddlu Gogledd Cymru a'r Gymuned
Swyddfa PACT, Ffordd William Morgan
Parc Busnes Llanellwy, Llanellwy
Sir Ddinbych
LL17 0HQ

Eich Cymuned, Eich Dewis 2018/19

Amserlen

(gall dyddiadau newid)

Cyfnod derbyn ceisiadau: Agor Cau	 11.11.19 06.12.19
Asesiadau ceisiadau	Wythnos yn cychwyn 09.12.19
Hysbysu ymgeiswyr ynghylch penderfyniadau	Wythnos yn cychwyn 16.12.19
Cyfnod pleidleisio cyhoeddus ar y rhyngrwyd: Agor Cau Caniateir uchafswm o bedair pleidlais y cartref/ cyfeiriad ISP ar gyfer prosiectau	 23.12.19 31.01.20
Cyhoeddi'r Ymgeiswyr Llwyddiannus Cyflwyno sieciau i'r ymgeiswyr llwyddiannus ym Mhencadlys yr Heddlu, Bae Colwyn	Wythnos yn cychwyn 10.02.20 Chwefror 2020

Noder: Byddwn yn hysbysu ymgeiswyr os bydd unrhyw ddyddiadau yn newid

MANYLION Y CAIS

1. Sefydliad:

2. Cyfeiriad (gan gynnwys cod post):

3. Manylion Cyswllt

Enw:	
Swydd yn y sefydliad:	
E-bost:	
Rhif Ffôn:	
Rhif Ffôn Symudol:	

4. Teitl y Prosiect:

5. Y swm y gofynnir amdano:

6. A yw hwn yn gais am:

Arian ar gyfer noddi'r prosiect yn llawn:		Rhan o'r Swm/Nawdd Cyfatebol:	
---	--	-------------------------------	--

7. Rhowch ddisgrifiad o'ch sefydliad:

a) (Os ydyw'n Elusen Gofrestredig neu'n Gwmni Buddiannau Cymunedol nodwch y rhif cofrestru)

b) Pryd gafodd eich sefydliad ei sefydlu?

c) Faint o aelodau sydd ar eich Pwyllgor/Bwrdd Ymddiriedolwyr?

d) Faint o unigolion sy'n gorfod awdurdodi taliad neu arwyddo siec?

e) Os bydd y cais hwn yn llwyddiannus nodwch i bwy y dylem wneud y siec yn daladwy:

8. Eich prosiect:

Rhowch ddisgrifiad o'r gweithgareddau neu'r gwasanaethau yr ydych yn gofyn i ni eu hariannu. (*Uchafswm o 500 gair*)

9. Dywedwch wrthym pa flaenoriaeth yn y Cynllun Heddlu a Throsedd mae eich prosiect yn anelu ei gynorthwyo a sut fydd yn gwneud hyn:
(Uchafswm o 500 gair)

10. Sut ydych wedi adnabod yr angen am y prosiect (rhowch dystiolaeth):

(Uchafswm o 500 gair)

11. Dywedwch wrthym pa wahaniaeth fydd eich prosiect yn ei wneud i'ch cymuned a sut y bydd yn adeiladu cymunedau cryf: (Dangoswch yr allbynnau a'r canlyniadau y bydd eich prosiect yn ei gyflawni) *(Uchafswm o 500 gair)*

12. Lle fydd eich prosiect yn cael ei gynnal?

(dywedwch hefyd ym mha sir/ ar gyfer prosiectau gogledd Cymru i gyd, a wnewch chi gadarnhau'r ardaloedd a'r siroedd y byddwch yn gweithio ynddynt)

13. Pryd fydd y prosiect yn cael ei gynnal?

(Nodwch y dyddiadau dechrau/gorffen)

14. Faint o bobl fydd yn gysylltiedig â darparu'r prosiect?

(Nodwch hefyd yr ystod oedran)

15. Faint o bobl fydd yn elwa o'ch prosiect.

(Nodwch hefyd yr ystod oedran)

16. Ydi'ch prosiect yn rhoi sylw i anghenion unrhyw grŵp penodol?

(Nodwch sut)

17. Bydd angen i chi drafod eich prosiect gyda'ch tîm plismona cymdogaethau diogelach lleol, a chael cymorth a chymeradwyaeth eich Arolygydd Ardal.

Dywedwch wrthym sut y byddwch yn gweithio gyda'ch tîm plismona lleol i gyflwyno eich prosiect. Cadarnhewch isod fanylion eich trafodaethau gyda'r tîm gan gynnwys enwau'r swyddogion perthnasol a chadarnhau hefyd bod yr Arolygydd Ardal yn cefnogi eich cynnig. (Uchafswm o 200 gair)

18. Gweithio mewn Partneriaeth: Dywedwch pa bartneriaethau/asiantaethau eraill fydd yn rhan o'ch prosiect, a beth yw eu rolau.
(Uchafswm o 100 gair)

19. Dywedwch wrthym sut byddwch yn monitro ac yn gwerthuso'ch prosiect.
(Uchafswm o 300 gair)

20. Os bydd eich cais yn llwyddiannus, beth fydd yn digwydd i'ch prosiect unwaith y bydd yr arian hwn wedi'i ddefnyddio?
(Uchafswm o 200 gair)

21. Costau'r Prosiect

Rhowch ddadansoddiad llawn o'r holl gostau. Dylech gynnwys bras amcan o werth unrhyw gefnogaeth mewn nwyddau/gwasanaethau. Os yw costau'r prosiect yn uwch na £2,500 (£5000 ar gyfer prosiectau gogledd Cymru gyfan) nodwch ar gyfer beth fydd ein nawdd ni yn cael ei ddefnyddio.

Eitem	Cost
CYFANSWM	£

22. Ydych chi wedi cael nawdd gan unrhyw noddwr arail?

Os do, nodwch gan bwy a'r swm a gafwyd.

AR GYFER YMGEISWYR SY’N GWNEUD CAIS AM GRANT O £5,000:

23. Dywedwch wrthym ym mha siroedd y byddwch yn gweithio ac am allu eich sefydliad i gyflawni'r amcanion yn eich cynnig a'r strwythur sydd wedi'i sefydlu i gefnogi cymunedau lleol. *(Uchafswm o 300 gair)*

ATODIAD A

Bydd y Telerau ac Amodau canlynol yn berthnasol i bob cais llwyddiannus

Mae'n rhaid i'r ddogfen hon gael ei llofnodi a'i hardystio a'i dychwelyd cyn i'r arian gael ei ryddhau.

TELERAU AC AMODAU GRANT AR GYFER PROSIECT

1. Mae 'Prosiect' yn golygu'r prosiect neu'r gweithgaredd y mae'r Noddwr wedi cytuno i roi grant ar ei gyfer fel yn ôl y ffurflen gais ynghyd ag unrhyw ddogfennau cefnogi megis gwybodaeth gyllidol, amserlen ac unrhyw ddogfennau eraill sy'n nodi sut bydd y Prosiect yn cael ei reoli.
2. Mae 'Noddwr' yn golygu Comisiynydd Heddlu a Throsedd Gogledd Cymru a Heddlu Gogledd Cymru ar y cyd.
3. Mae 'Chi' yn golygu'r sefydliad sydd wedi cael grant gan y Noddwr.
4. Dim ond ar gyfer y Prosiect hwn y gellir defnyddio'r grant.
5. Mae'n rhaid i chi gychwyn y Prosiect o fewn un mis i chi gael y taliad cyntaf gennym.
6. Mae'n rhaid i chi wneud cynnydd boddhaol gyda'r Prosiect a'i gwblhau ar amser.
7. Mae'n rhaid i chi ddweud wrthym yn syth os bydd unrhyw beth yn bygwth cwtogi neu ohirio'r Prosiect.
8. Mae'n rhaid i chi ddweud wrthym os cewch arian ar gyfer y Prosiect gan unrhyw ffynhonnell arall ar unrhyw adeg yn ystod y Prosiect. Os bydd hyn yn golygu nad ydych mwyach angen yr arian gennym ni, mae'n rhaid i chi dalu'r grant yn ôl i ni yn syth.

Os byddwch yn gwario llai na chyfanswm y grant ar y Prosiect, bydd rhaid i chi ddychwelyd y swm sy'n weddill i ni yn brydlon. Os bydd y grant yn ariannu rhan o'r Prosiect, bydd rhaid i chi ddychwelyd cyfran briodol o'r swm nas wariwyd i ni.
9. Mae'n rhaid i chi ysgrifennu atom cyn gynted â phosibl os gwneir neu os oes bygythiad bod hawliad cyfreithiol am ei wneud yn eich erbyn chi a/neu fyddai'n cael effaith ar y Prosiect yn ystod cyfnod y grant (gan gynnwys unrhyw hawliadau yn erbyn aelodau'r corff llywodraethu neu staff y sefydliad.)
10. Os ydych yn grŵp anghorfforedig, mae'n rhaid i chi gyflwyno tystiolaeth ysgrifenedig i ni i brofi bod gan yr unigolyn sy'n llofnodi isod awdurdod y grŵp i lofnodi Cytundeb y Grant ar ran aelodau'r grŵp a bod holl aelodau'r grŵp yn atebol ar y cyd ac yn unigol am y Cytundeb Grant.
11. Mae'n rhaid i chi ein hysbysu yn ysgrifenedig cyn gynted â phosibl o unrhyw ymchwiliad i'ch sefydliad, ymddiriedolwyr, cyfarwyddwyr, gweithwyr neu wirfoddolwyr sy'n cael ei gynnal gan yr heddlu, y Comisiwn Elusennau, Cyllid a Thollau EM neu unrhyw gorff rheoli arall.
12. Wrth gynnal y Prosiect, mae'n rhaid i chi gydymffurfio â'r holl gyfreithiau sy'n rheoli'r ffordd yr ydych yn gweithredu, y gwaith yr ydych yn ei wneud, y staff yr ydych yn eu cyflogi neu'r nwyddau a'r gwasanaethau yr ydych yn eu prynu. Er enghraifft, chi fydd yn gyfrifol am drefnu unrhyw drwyddedau, caniatâd ac yswiriant sydd eu hangen yn ôl y gyfraith.
13. Rhaid cyflwyno i'r Noddwr grynodeb ariannol clir sy'n dangos sut mae'r grant wedi'i wario. Rhaid sicrhau bod yr holl anfonebau, derbynebau a chofnodion cyfrifo sy'n ymwneud â gwariant y grant ar gael ar unrhyw adeg resymol i'w harchwilio gan y Noddwr.
14. Dylech gadw cofnod syml o ddatblygiad y prosiect, gan gynnwys lluniau, a dylai fod ar gael ar unrhyw adeg resymol i'w archwilio gan un o swyddogion y Noddwr.
15. **CYN I UNRHYW DDIGWYDDIAD SY'N GYSYLLTIEDIG Â'R PROSIECT GAEL EI GYNNAL**, mae'n rhaid i chi gysylltu ag Adran y Wasg a'r Cyfryngau Heddlu Gogledd Cymru er mwyn darparu manylion y fenter.

Mae'n **RHAID** i ddatganiadau i'r wasg a deunydd cyhoeddusrwydd gyfeirio at y gefnogaeth ariannol a gafwyd gan: **Comisiynydd Heddlu a Throsedd Gogledd Cymru a Heddlu Gogledd Cymru**
16. Mae'n rhaid i chi sicrhau bod pob cam rhesymol wedi'i gymryd i sicrhau bod unrhyw oedolyn sy'n cynorthwyo gyda'r prosiect wedi cydymffurfio'n llwyr â'r gofynion diogelwch perthnasol os bydd yn gweithio â phlant a phobl ifanc.
17. Sefydliad sy'n cyflwyno grantiau yn unig yw'r Noddwr ac nid yw'n gyfrifol am unrhyw weithred neu esgeulustod ar ran y rhai hynny sy'n cymryd rhan yn y prosiectau a'r cynlluniau. Cyfrifoldeb y rhai sy'n trefnu'r prosiectau a'r cynlluniau fydd hyn. Mae'n ofynnol i chi ystyried eich cyfrifoldebau cyfreithiol fel trefnwyr yn ofalus iawn a threfnu yswiriant priodol.

Os bydd unrhyw un o'r sefyllfaoedd canlynol yn digwydd gallwn ddewis gofyn am y grant yn ôl:

- 17.1** eich bod yn cau eich busnes i lawr (oni bai ei fod yn ymuno â busnes arall neu fod busnes arall fyddai'n gallu parhau â'r Prosiect yn cymryd drosodd a'n bod ni wedi rhoi caniatâd ysgrifenedig i chi wneud hyn);
 - 17.2** eich bod yn gwneud newidiadau i'r Prosiect heb yn gyntaf gael ein caniatâd ni yn ysgrifenedig;
 - 17.3** eich bod yn defnyddio'r grant ar gyfer rhywbeth arall;
 - 17.4** nad ydych yn dilyn ein cyfarwyddiadau rhesymol;
 - 17.5** nad ydych yn cynnal y Prosiect yn ofalus, trylwyr, cymwys ac i'r safon y disgwyldid gan rywun sydd â chymaint o brofiad â chi yn eich galwedigaeth, proffesiwn neu'ch maes artistig;
 - 17.6** nad ydych yn cwblhau'r Prosiect;
 - 17.7** eich bod wedi rhoi unrhyw wybodaeth i ni sy'n anghywir neu'n gamarweiniol, naill ai drwy gamgymeriad neu oherwydd eich bod yn ceisio ein camarwain;
 - 17.8** eich bod yn cael eich dyfarnu'n fethdalwr, neu os gwneir gorchymyn neu benderfyniad i chi fynd i ddwylo'r gweinyddwyr, ddirwyn i ben neu ddiddymu; os penodir gweinyddwr neu dderbynnnydd, rheolwr, diddymwr, ymddiriedolwr neu swyddog tebyg dros eich holl asedau neu swm sylweddol ohonynt; neu eich bod yn cytuno i, neu'n cynnig dod i drefniant gyda'r bobl y mae arnoch chi arian iddynt;
 - 17.9** eich bod yn ymddwyn yn anghyfreithlon neu'n esgeulus ar unrhyw adeg, a'n bod o'r farn bod hyn wedi cael effaith sylweddol ar y Prosiect, neu ei fod yn debygol o niweidio ein henw da ni neu chi; ac/neu
 - 17.10** eich bod yn gwerthu neu mewn rhyw ffordd arall yn trosglwyddo'r grant, eich busnes neu'r Prosiect i rywun arall heb yn gyntaf gael ein caniatâd ni yn ysgrifenedig.
- 18.** Bydd y telerau ac amodau hyn a'r Cytundeb Grant yn parhau i fod yn ddilys am ba un bynnag o'r rhain yw'r hiraf:
- un flwyddyn yn dilyn y taliad grant diwethaf;
 - cyhyd ac y mae unrhyw ran o'r grant heb ei wario;
 - pan na fyddwch yn cyflawni unrhyw un o delerau ac amodau'r Cytundeb grant neu os byddwch yn parhau i'w torri (mae hyn yn cynnwys unrhyw adroddiad ar wariant y grant neu ddarpariaeth y Prosiect sy'n weddill).
- 19.** Mae Deddf Rhyddid Gwybodaeth 2000 ('y Ddeddf') yn berthnasol i ni. Golyga hyn y gallai unrhyw wybodaeth yr ydych yn ei rhoi i ni gael ei rhyddhau i unrhyw unigolyn sy'n gofyn amdani dan y Ddeddf. Mae'n rhaid i chi ddweud wrthym os ydych yn credu y dylai unrhyw ran o'r wybodaeth honno fod yn gyfrinachol dan unrhyw un o eithriadau'r Ddeddf. Ewch ar www.ico.gov.uk/ i gael mwy o wybodaeth am y Ddeddf.

Efallai y bydd angen prawf bod yr amodau hyn wedi'u gweithredu.

Enw'r Sefydliad

(ENW MEWN LLYTHRENNAU BRAS) Yr wyf i

wedi darllen y telerau ac amodau uchod, a chytunaf ar ran tîm y prosiect y byddaf yn cadw atynt.

Llofnod: Dyddiad:

(LLYTHRENNAU BRAS) Swydd yn y sefydliad:

Wedi'i ardystio gan: (Llofnod)

(LLYTHRENNAU BRAS) Enw llawn:

(LLYTHRENNAU BRAS) Swydd yn y sefydliad:

DYLECH DDYCHWELYD Y DDOGFEN HON WEDI'I LLOFNODI

AT:-

Heddlu Gogledd Cymru, Swyddfa PACT, Ffordd William Morgan. Parc Busnes Llanelwy. Llanelwy. Sir Ddinbych. LL17 0HQ



HEDDLU
GOGLEDD CYMRU
NORTH WALES
POLICE



Mewn cydweithrediad ag
Ymddiriedolaeth Heddlu Gogledd Cymru a'r Gymuned